

# QUO VADIS?

Zjwetskammazaol 1949

Veur het evenement  
Waar m'eder neet content  
Alveurens ins te rippeteere  
Mit vol órkes, om get te leere.  
Dus opgelet, veur het te laat is.

Quo Vadis?

Dus nao Mesjtreech mit alle man  
Wo me dan rippeteere kan;  
Het heel gezelsjap toen vertrok  
Mit bösse vol toet in de nok.  
En in zo'n bös het lang neet kaad is.

Quo Vadis?

Dao waerde good gerippeteerd  
En hiej en dao get biejeleerd,  
Den Directeur waas heel content  
Auch de Mesjtreechsen Dirigent.  
Dus het geheel d'r mit gebaat is.

Quo Vadis?

Zoo kós me gans en al voldaan  
Weer mit de bös op hoes aan gaon,  
En reej me door Mesjtreechse sjtraote  
Op 't late oer al gans verlaote.  
Me haop det de sjoofeur neet zaat is.

Quo Vadis?

Mer de sjoofeur, gans neuchter nog,  
Verreej zich op dae laten toch,  
Zoo kwaam me euver ei vraemp brökske  
En sukkelde nog door, ei sjtökske,  
Me dach det dae de waeg toch waal wis.

Quo Vadis?

Nao väöl gesjarrel en beheij  
Kreeg hae toch eindelijk den dreij  
En ging mit alle zengersvrunj  
In de gooi richting van Remunj.  
Toen zachte ze: „Ich gluif det 't laat is”.

Quo Vadis?

---